

خرابيش بكا

شعرل.....

السيد سعد

العنوان: خرايبش بكاء
الصنف: ءيوان شعر
المؤلف: السيد سعء
تنسيقات طباعة: م. هالة محمود
مراجعة: أ. محمد فهمي
تصميم غلاف: م. أميرعءالوهاب
مقاسات الكتاب: ٢١*١٤
عءء صفحات الكتاب: ١٠٠
طبعة أولى: ٢٠١٩
الناشر: النوارس للءعاية والنشر
رقم الإيءاع بءار الكتب والوئائق المصرية: ٢٠١٨/٢٦٥٣٠



الإسكءرية ش ٤٥ - ميامي ء.م.ع
ت: ٠١٢١١٩٩٩٠٨٩ ٠٣/٥٤٩٠٩١١

Inwares.advertising@gmail.com

للتواصل على فيس بوك

<https://www.facebook.com/groups/322676661399274>

لا يسمح بطباعة هذا الكتاب أو تصويره أو نسخه بأي طريقة ورقية أو إلكترونية إلا بإذن خطي ومسبق من المؤلف..

الإهداء

إليها:

أمي من تحملت بصبر وإيمان محنتي

وجعلتني عصفور في سماء الشعر

إليها أهدي نبضي وبوحي ودمي

أهدي ديواني الأول

وتقبلي إضاءة روعي

السيد سعد

التعريف بالشاعر

الشاعر السيد سعد حسن علي، مواليد الإسكندرية وقائم بها منذ ١٩٩١، يهوى الشعر ويهوى الغناء منذ الصغر، عضو في قصر ثقافة مصطفى كامل، عضو في رابطة الزجالين وكتاب الأغاني، عضو في بيت الشعراء النادي المصري، عضو في فرقة كورال الأنفوشي، حاصل على المركز الثاني في مسابقة الغناء في ساقية الإبداع، يعشق أصدقائه "بالعامية صاحب صاحبه"، نوقشت أعماله في عدة دراسات بنادي أدب مصطفى كامل، تقابل مع الشاعر عادل عوض سند الذي أشاد له بمستقبل شاعر جيد، الذي أثقل موهبته الشاعر محمد السيد إبراهيم، تعلم علي يد الشاعر صادق أمين كل أدوات الشاعر كالبحور والقوافي والدلالات وغيرها...

المقدمة

يعد أول ملموس للشاعر بمثابة شهادة ميلاد أو العكس؛ لذلك يجب على الشاعر أن يتحقق من حجم ما يطرحه من إبداع، وألا يتعجل النشر، وقد شرع الشاعر المجتهد الشاب المبدع السيد سعد في إنتاج أول طروحاته التي أراها قطرة من دم تكفي لتحديد فصيلة وحقيقة هذا الطرح، السيد سعد شاعر يتمتع بسمات أسلوبية تجعل من شعره طرح يؤسس لتجربة إبداعية شديدة التميز من خلال محاولة لإنتاج وردة تعبير إنساني، أرى من خلالها روح مبدعة تحاول فتح نوافذ البوح وتؤسس حضور أراه متميز..

فتافيت إزاز جرحي

مبدورة ع السيراميك

والقلب جوايا

رافض يكون له شريك

يشاركني ف جروحي

وكفاية إن الحلم

عمال يزيد في الوهم

إنه يرى الحياة من خلال ذاته، يحاول رسم صورة لهذه الذات من خلال إنتاج علاقات بينها وبين الأشياء؛ فالجرح هنا ليس الجرح الظاهر إنما هو الجرح الداخلي الأعمق، من هنا يمكن القول أن الشاعر يستطيع إنتاج حالته بصورة منقولة من الواقع المعيش، تتوازي معه لكنها لا تنقله نقلاً حرفياً..

وحابب إن أقول اسمك

ف عطر حروف

ينام قلبي ف حوش قلبك

وجوايا بيصرخ خوف

ربما هي لحظة البحث عن الأمان؛ فالحديث عن المفقود
يحمل إشارات واضحة على رؤية الشاعر من خلال صورة
تعبيرية تستمد جمالها من حالة الفقد ذاتها..

الرحمه ليه تنزف ألم

أصل التروس جوايا عطلت

محتاج لنقطة زيت

وزرارك المفكوك يا قلبي

مستني إبرة وخيط

هي خصوصية الشاعر في نقل حالته ومعاناته ومأساته،

بصورة تعكس لنا حجم معاناة الشاعر الذي يمثل جسده
كآلة معطلة.. أيضا سترى الحكمة في قوله:

أدم ماكانش بخيل

ف ساب لنا الدنيا

نري بوضوح رؤية الشاعر للحياة؛ فهو شاعر معني بقضية
التعبير، وهناك مزيد من القصائد التي يطرح من خلالها
الشاعر رؤاه للوجود، وسيكون لنا وقفة مع هذا العمل
المتميز للشاعر الشاب السيد سعد...

الشاعر/ صادق أمين

٢٠١٩/١/٦

واقع مرفوض

فتافيت إزاز جرحي
مبدورة ع السيراميك
والقلب جوايا
رافض يكون له شريك
يشاركني ف جروحي
وكفاية إن الحلم
عمّال يزيد ف الوهم
خلّاني أكون منبوذ
وحرّقت كل الصور اللي
شافتني عجوز !!

مجنون عشان حببت
والقلب عاش راضي
ماسك بايدي الهوا
والجسم كان فاضي
يا (سامري)، عجلي ..
مخنوق ف قلبه الصوت
ه تشوفني عايش أوي
مع إني كنت بموت

خرايبش بكا

خرايبش بكا
معلّمة على روعي أنا
والقلب عطشان من سنة
يشرب ولو حبة فرح
جرح وطرح
قال فاكر إنه بالورود
راح يرسمك !!
لوحة على شط الحياة
طلب النجاة
خاف إن أوجاعه
فد روجه تألمك

ما أنتي حقيقته المبهمة

متبسمة . .

متقسمة صورتك

ف جفن عينيه

لما بشوف يوم دمعته

نفسى أسأله . .

دمعت ليه !؟

يمكن عشان اهو حن ليكي

ريحة ايديه لسة ف ايديكي

ودبلته تنده عليكى

هتغيبى عنه . .

أد إيه ؟

نزيف

ف كل محطة أنا نازف
ورمش الريح بيغمز لي
ما تلحق دمك السائل
على حافة جدار مايل
بتشرب منه ليه الدبابير
وكان نفسي ف يوم فعلا
باني أطيير
وأفك قيودك الواقعة
على كتافي

شربت المر كاس صافي
وعشت ف قلب حزني أسير
يا قاتلة فيا إحساسي
وسيباني لوحدني عليل
ومش عارف أوقف دمك النازف
وفاكر نفسي قال عامل
حقيقي أيوه شيء هادف
لقيت نفسي برد جميل !!

ضحكة صفرا

قميص كاروهات على فنلة
ونفسي أعرف العلة ...
اللي خليتك بتستعبط
وعامل فيها واد غلبان
ومش إنسان هـ يجرحني
ويجي بضحكة من غير وش
وقلبه يغش
ويرسم رسمه مش حلوة
حروف أشعار دي مش غنوة
هتتغنى وعجباكي
يادنيا بايخة مش سيبك

وداني لسه سمعائي
تقولي ع الأصيل خايب
بينسج توب ما هوش دايم
ه يتقطع مع الأيام
وسيبه الندل ليه يسرق
ف أحلامنا
يزيد أوهام

قلب حديد

حصلتي راحت فين ؟
زادت جراح تعبي
لملت ع الخدين
دمعي ، وليه يعني
أفضل أحوش سنة
لما هيجي العيد
ملقتش غير دمة
عايشه ف قلب حديد !؟
ليه يابا، ليه تكسر
في قلبي حصلتي ؟
تاخذ يادوب الفرح
وتسيب لي ليه جرحي ؟
وأنا فاكر إني ه أكون
زي الولاد تصرف

وأجيب لي لون أرسمه
وردة على خدودي
إسودَّ وشكَّ ليه ؟
بتقول لي: معلشي
ده نجوع ونتعري
بس أنت متهونشي
ادم ماكنش بخيل
فسابلنا الدنيا

سحر أسود

وَرُحْتِي لِشَيْخٍ يَعْفِرْتَنِي
عَشَانِ خَايِفُهُ أَغْيِبُ عَنْكَ
وَخَايِفُهُ إِنِّي آجِي فِي يَوْمٍ
أَقُولُ فِعْلاً عَلَى عِيُوبِكَ
رَبَطْتِي الْعَقْدَةَ فِي الْمَنْشَارِ
رَبَطْتِي رُوحِي ١٠٠ رِبْطَةً
بَقِيْتُ عَائِشٌ مَالِيشُ لَزْمَةً
وَصَيَّبْتِي حَيَاتِي بِالْأَزْمَةِ

بِحَبَّةِ شَعْرٍ مِنْ رَاسِي
بِوَاقِي فِي رُوحٍ
بَقِيْتُ مَسْحُورٌ وَمَشٌّ عَجَبُكَ
وَمَشٌّ قَادِرَةٌ جِرُوحِي تَرُوحُ

لإني مريض
ف بحر شريد
أنا التعبان عشان راضي

وفاكر إني يمكن أكون
حاجات منك
لقيت نفسي ف صحرا وحيد
ومش عارف أسيب سجنك !!

أحضان معدنية

ولا مرّة ف عمرك قولتيلي

أنا زهقانه

وابعد.. يوه ..

غير ستات العالم انتي ..

أيوة حبيبتي ليكي شابوه

يبدأ يومي

أيوه ف أوضتك

شاييف وزني يطلع كام

كام زاد هم

وكام زاد غم

وسال الدم مع الأيام

وأنا بوزن نفسي بتنادي:

يلا حبيبي

أنا مشتاقة

لساعات طيفك وانت معايا

حاضر جي...!!

قدري حبيبي

أكون بين إيدك

حضنك معدن وبيندهني

ههرب فين ؟

مانا لو غبت

ف يوم عن عينك

يتعب قلبي

وأنا بصراحة ماليش قلبين...!!
حَضَانِي بِأَيْدِيكَ لَسْنِينَ
وَمَا فِيش مَرَّة تَشْتَكِي مِنِّي
مَهْمَا أَنَا بَصْرَخ
يَعْلِي فِ صَوْتِي
بِتَصَالِحِينِي عَلِيَا تَحْنِي
مَهْمَا أَنَا بَتَعَب
أَدُوخ فِ هَوَاكِي
يَجِي الْبَحْر
بِأَيْدِيهِ الْمَالِحَة وَيَفُوقُنِي
وَالْمَدَّة اللَّي مَا بَنَا بَتَخْلَص
وَأَسِيْبِك فَعْلَا وَأَسَافِر
بَس أَنَا عَارِف
إِنِّي رَاجِعْكَ كُل يَوْمِين...!!

دفاتر سود

الحب اللي ف قلبي اتحول

لدفاتر سودا

وكمان بيقولوا على دموعنا

مكياچ للموضة

ومكنتش عارفة الأزياء

ولا عمري ف يوم مرة اشتاق

للي جارحني وكسّر فيا

وفاييتي ولا بس برمودة

بتزيد أوجاعي وأوهامي

زي العادة

وتراب ظلمك اللي عماني

أوي بزيادة

وانك تيجي تقول لي حبيبتي

فاكرك كنتي زي مرايا
لما أنا بتعب
روحك تبعت روح جوايا
أنت فاكركني چاكتة قديمة
دابت م الهم ف أيامك
أول مرة أنا كنت سليمة
واتقطعت أنا من أوهامك
فاكر نفسك عنتر بيه
واللي تقوله موافقة عليه
وتسيبني لشماعة قديمة
ف دولاب أحلامي المفقودة...!!

جبل سريّ

وبتمنى أكون روحك
وأشيل الحزن من جواك
ولما أنه على روعي
تكون روعي دي عايشة معاك
بترسم آه بألوانك
نسيم الروح
بيبع لي وجع وجروح
وكان نفسي أكون جنبك
أشيل همك
وأرسم على القلوب بسمة
بنفس الرسمة أخليها تشع حنان

عشان نفسي تبات فرحان
وخايف إن ألاقي ف يوم
دموع خدك بتندهني
وتستنى.. عشان إيدي هتمسحها
ما أنا وأنت ف نفس طريق
رسمنا من دموعنا حياة
قلوب صخر
ما بتحسش بأي جريح

برادة رصاص

نسيت اللي صانك
وصننت اللي غشك
بتجري في دنيا
عشان بس كرشك
محمل وشايل
ف حبة كياس
ودم ف عروقك
برادة رصاص
وقلبك يا جاحد
بأسوار فلان
وكاره ضميرك
وبيعه ببلاش
ده آخرك يا صاحبي
شوية قماش

وفاكر يا بيبي
بأنك ملاك
توزع مساوئ
وشاري هواك
تدور تحور
وراسم سماك
بكعبة جميلة
وغلك عماك
ومش لاقى حاجة
ف روحك تحس
سادد لي ودانك
وعينك بجبس
وضايعة المبادئ
تشوف الخلايق
عرايس بحس

مبوحشكيش

- حبيبي الدمعة من عينك

بقالها سنين منشفتشي

ومتغرب وأنا ف حضنك

وللحنية مبشوفشي

- حبيبي ياللي متغرب

ساييني لوحدني مكسورة

سنين بحلم فيها تقرب

تبان ويايا في الصورة

- حبيبي الغربية أنا أسيرها

دموعي ماليش ونيس غيرها

وكان نفسي أكون جنبك

حياة ضاعت.. واياه مصيرها..؟

- مصيرها إنك تعيش مجروح

وتتمنى طلوع الروح

وتيجي تقولي سامحيني

أرد خلاص..

ده مش مسموح

- أنا عايش ليالي طوال

ويكتب لك مبتريش

وقلبي من الحنين سهران

وحشتيني..

مبوحشكيش !!؟

خيوط

حنين روعي بيشتاقلك
ما أنا حنيت لطير جارح
جرحني وسبني بتلوى
وبصرخ بكره وامبارح
سنين العمر عدتها
على ايديا وبالأحزان
ودبلت مني حنية
وطعم المر والحرمان
في حلقي شوك كما الصبار
وقلبي احتار
لهيب النار بيتسرسب ده جوايا
وكان نفسي في لمسة إيد

وانك تيجي تلمسني
تحسني كما الميه
وبترطب على جروحي
لقيتك جمر زود نار
وخلتني اكون ناسي
خيوط الظلم
بتعشش على روعي
وخلتني اكون قاسي

برجك إيه

حياتي بترسم الأحوال
فضا واسع من الأوجاع
بتبدأ فيه نجوم روي
بتسأل مين دوا جروي
وليه القلب قسمه شعاع
قالولي ارتاح
وشوف حظك
وبرجك إيه من الأبراج ؟
وحتى الحظ كاره إنه
يجي ف يوم يفرحني
ويضحك ضحكة مسمومة

كواكب سوداء الكوكب
دي واقفة طابور
بيتاخذ يوم عزا قلبي
في شادر حزن
في شارع تاه من الأيام
ومش ذنبي
بان الحب مات مقتول

ألبوم صور

بتبتدى القصة بصور

وتنتهي برضو بصور

حواديت بذاتها

بكتشف فيها أنا

دى صورة الجمل اللي عمره

ف يوم ما نخ

مهما يكون وجع الشقا

حتى ف سواقي الفجر

مهما يزيد حمل الجحر

كان المطر ينزل يطبطب

فوق كتاف كل البيوت

واكمنه مش خواف

كان الضمير ليه صوت
والقلب نابض هم
خايف على العصافير
ما يلاقوا يوم قوتهم
ما كانت روحه..
سيباها ع المولي
بيرجع والشموس لسه
بتبعته كثير سلامات
ماشية ف شارع القلب
وخلص الوقت
غياب سايب ف حَضْنُه برد
وهيعمل ايه دلوقت
محتاج لبسمة حنان
ترد فيه الروح

ودي صورة الشمس
إلي ضحكتها عبير
وإلي بتغسلني
بحنان عطر فإيديها
شايفة شجر لبلاب ومتفرّع
فروحي الحزن
وينظرة من قلبها
طرح الفرحة أحضان
كانت فوقت الغرق
طوق النجاة ليا
وعشان أنا جنبها
تسقينني حنية
بيكونها قلبين

ودي صورة الشجرة اللي أغصانها
بتطرح شوك
واللي حياتي بتترسم بريشتها
في وجودك غروب
تبكي السنين مع دمع قلبي
ويعدي يومي
متغطي خوف حيرة وقلق
مهما انفلق .. ميهماش
إن الحنان يتشد مني
وأعيش وحيد
هتروح لغيري
كورة تنس بمضربين
الأول انجرح .. انكسر
من قوة الوجع اللي كانت

محفورة جوه الروح
وكأن قلبي أرض بور
صعب الزهور
تثبت في شيء مفهوش حياة
والتاني فرحان إنها
أهي جت خلاص في ملعبه
وأكيد حيبي ف يوم يمل
من كتر ما اتعود عليها
هيف ويدور أكيد
على لعبة غيرها
يكسر جمالها بوحدته

الحصار

كانت بتهرب م الحصار
وتنادى ع القلب الغريق
واكمني عايش ف انكسار
مصدوم بجد أنا مش برئ
طب ليه يا بحر أخذتها
ما كنت سيبها تعيش لثانية
هربانة ينزف همها
وفاكرة إن الحزن دنيا
مبقتش عارف أعيش بجد
وسكتي مات فيها نور
مسجون وحيد جوايا ضلمة
برسم صورتها بالبخور
كان نفسي أكون عصفور وحر

حاضن إيديها بكل شوق
فارش جناحي عليها ضل
ما يطولها وسط الورد شوك
مش قلب سجناء السنين
م الهم كان عايز يفوق
بدفع تمن فوق الفلوس
من المغارب للشروق
ودى دنيا غابتها النفوس
ويضيع انا قبل الحقوق
دنيا مزوقها الغباء
وعريق انا مش لاقى طوق

شفايف

يا أجمل بنت حنيتك

وحسيتك هوا دافي

ومهما القلب يتألم

بشوف صورتك

دوا كافي

شفايفك لما تضحكلي

بحس بنفسي مش ع الأرض

يا شمساية ف عينك ياه

يضيع مني الكلام وانساه

وقلبي يروح ويرسم

ع الشفايف بوح

واشوفك شمعة بتنور

طريق بنيناه

بحسك ريحة حطيتها

وانا خارج
ومتبارك بانك روح
وحضناني
وبتبانى فنن العين
ده لما يرف
وأدور فيكي على حنية
سكناني
ألاقي ملاك بطرف جناح
قعد ع القلب بيزغزغ ف دقاته
يومين فاتوا عليا سنين
ودق انين علي بابي
سألني حبيبتي فين روحتي
اكيد جاية ومدة الايد
وجايبه معاها حظ سعيد
هيمحي كل اوهامي
مانا عاشق عيون دايبين

الليل

ساعات في الليل
يخدني الشوق
لحد البحر ع الكورنيش
أشوف قطة
بتوب عريان
بتمسح على الرصفان
عشان تاكل رغيف العيش
وعيني تاخدني ع الشحات
قصاد مسجد ..
وراه ازازة
بلون الفجر..!!
وفارد ايده ع الآخر
وعينه تفتش الجايين

ومستني أدان الفجر...!!
وروحي تروح على القهوة
أشوف تماثيل
بتلعب بالحياة طاولة
وكان أولي
أحس النبض ف عروقهم
ينادي يقول أنا عايش
يتوه قلبي مع المشيين
وروحي تروح بترسم وهم
وحاسس ان جوايا
تزيد فعلا جبال الهم
وكان نفسي
ألاقي الورد يتوزع
دموع فرحة
وحزن بليد

ف شارع ضلمة

ف الآخر

أشوف السم يتسرب

نازل حاضن

ف قلب وريد

وترجع روعي ع الميه

أشوف الموج فيغسلني

ويمحي كل ما فيا

وترجع عيني م الأول

بتضحك زي ماهي

مشاعر تلج

ومش شاعر
وحابب إني أقول اسمك
ف عطر حروف
ينام قلبي ف حوش قلبك
وجوايا بيصرخ خوف
ومش مرتاح انا ليكي
وبنزف (يُود)
ولما التوت لمح دمعي
وقف يواسيني ف بعادك
علي اوتار جيتار قلبي
يا بصمة صوت تغنيلي
وروحتي ليه مع غيري
وبعزف بس بمشاعري

يا نجمة منورة ليلى
زمان كنتي تناديلي
وترسمي ع السما اسمي
ف وقت شروق
ومش شايف
ولا حرف ف هواكي حنين
قولولي ده مين
خطف من جوه قلبي الورد
زرعوا ف أرض غير أرضي
وكان نفسي
أكون وردة ف بستانك
ومين خانك
وجرف كل أحلامك
وبعد ماكنتي ترويني

بحب وشوق
سنين بتسيبي أراقي
بتطرح شوك
وروحى تروح وترجعك
وتنده يلا خبيني
ونسيني مشاعر تلج جوايا
مطر وخريف علي فروعى
زمان كنتي تغطيني
وترسمي ع العيون بسمة
خلاص البسمة ألوانها
تتوه جوايا حبر اسود

أحلام ضابغة

وأنا مش هاكون ليلى
ف الحب غرقانة
أصل الحياة دلوقت
هم بيرسم جوع
والحب ليه ركنه
أحلامه ف الممنوع
والقلب ملهوش حد
مستننى ليه الواد
عمال بيطفى شموع
أحسنلى نبقي إخوات
حجة مفيش منها
بتعلي أي حيطان

أنا وانت بانينها
وتمرّج المساكين
على روح حبال دايبه
معرّش ليه إيدي
ساعتها كات سايبه
مش ماسكة ليه إيده
والحزن كان سيده
بيحلي كويائته
قلبي اللي كان سنده
(سليمان) بعجازه
طب قولى مين فازوا
من بعد جرح سنين
ماتغيروا العاشقين

ضمير ميت

والرحمة ليه تنزف ألم
أصل التروس جوايا عطلت
محتاج لنقطة زيت
وزرارك المفكوك يا قلبي
مستني إبرة وخيط
وعبيط أهو بايع مريض
و(سألو) على جراحي
واقفين بيتفرجوا
ويسقفوا ع الخد
أصل الضمير معدود
بيناً من الأموات
والخلق ملمومة
بيشرحوا الجثة
وصويت ما بين إخوات

مين يوزن الأول
والدم يتحول
لبخار بلون اسود
مصلوب على همومك
بتدارى أوجاعك
متسهله المشاوير
مفتوحة للفرجة
غريان بيتفرجوا
والحالة كات حرجة
تيكتات بسعر رخيص
هتبص وهتضحك
يمكن هستغربوا
من مشهد المنيكان
لما الزمان بيقتوت والقلب يتكسر
وحياته مسحوبة والجسم ليه بيحن
وبيحضنه طوية

شقوق الروح

ده نور قلبي بحسه ما فيش
و(شيف) واقف على جروحي
يوزع لى هيخريش
وحتى العضم بيكرمش
كانه صفحة واتقفلت
ده بعد نهاية العذابات
وايه تفرق ما فيش أموات
بندفن والحياة ماشية
شقوق جوة جدار الروح
كاني حمامة وادّبحت
وقبل الدبح سلخوها
ما فيش بقشيش
بيتوزع مع الأحزان

وكام إنسان بيندم
ع اللي ضاع منه
ويرسم قلبه ع الحيطه
في وقت الزفة والزيطه
تلاقي جروحه بتغني
وقولي مين هيسمعي
في شارع (هُوْ)
وأدور وشي ع الآخر
وأحس قلوب كتير بتدم
ومش بيهم
لإن حروفي مشلوله
وسايبه نفسها للهم
وليه سريري زمان ابيض
ودلوقتي بلون الدم

بورتريه

ليه الحزن يرسمني
فِ لوحه زيت
يشوف قلبي حنين واحده
بتبكي ع اللي راح منها
وماشيه تلف وتدور
على حنيه كات ف الجيب
وعشق استبن ليه شايله ؟
وأغنيه بترسم ذكريات كانت
بتجري بسرعة من إيدها
بتسأل ع اللي كان ساكن
فِ حضن الجرح
ده بعد الفرح إتغير
عشان سابها فِ يوم لوحوش

وقلِّبه رتوش
رتوش جلاذ
وعَلِّمَّ بيها ع القضببان
ما فيش إنسان
هيرضى يبيع فِ يوم قلبه
عشان أوهام

دراكولا

أنا اللي قطفت قلب الورد ..

بعث دموع بحنِيَّه

سنين عاشق لحضن النار

وأتاري الحضن مش ليًّا

فِ وقت ما كانت الدنيا

بتمشي معايا وبتضحك

وفاردة شعورها ع الآخر

قابلت حمامة مكسورة

داويتها بعش جوايا

وعشت معاها يوم ورا يوم

خيالي طريق لجنتها

بترسم ضحك م الفاخر

عشان شَرَّف ولي العهد

وحاسس إن انا في كفاح
بقطع فيها بالراحة
ولا بتصرخ ولا دمة
ما هي أصيلة من يومها
تشيل الجرح وتداري
ولو شافت في يوم ناري
تحاول إنها تططب
وكنت ساعتها بستغرب
من القلب اللي عمره ما مل
وبتعجب ع القلب
اللي لف ودار على حية
واتطعم بطعم السم
وياع في ذكريات افلام
خلاص باظت من الركنة

صور فواتير أسامي كثير
بتنزف قهر ع الجدران
وابيع ابني اللي من صلبي
لروح نحاس
بقلب نحاس
أقطع عمر يرسمني
قصص حواديت
وأتاري الجسم كان فاضي
عظام أموات وفاكرة إنها
عايشة حياة دائمة
نسيت نفسي نسيت حتى
مشاعر دايرة ف القيمة
بسميها يا ناس كراكيب

عناقيد الدموع

على باب الدموع إيدك
بتدبح ألف قلب عبيط
وأنا منهم
ويتحایل على السّيّاف
عشان يرحمني من جرحك
يا ريتك تضحكي بلذّة
يا شيفاني إزاز شفاف
مفيش مفتاح
ح يفتح قلبك القاسي
فيه كام واحد في دستورك
وفوقه علامة استفهام
مبيد أحياء ؟
وقلبي سفنجة منقوعة
لعشاق الهوى الدايب

صغير السن ..
جوايا زمن شايب
بيضحك ثانية وييرجع
يشوفك مدة إيد العون لسيافك
سنين مرت
ويلقاني في قلب كابوس
وأفوق حبه واشوفني
في حضرتك محبوس
ونفسي ألقاني متحرر
ومين قرر
يحرر روعي من ضلك ؟
يا ماسكه في الإيدن عناقيد
تعدي عليها كام دمة
بتنزل فنظطة وشهوه
دموع مجاريح
تحلي بيهم القهوة .

وصية ميت

أيوه أنا فعلا
ماشي بجد
ماشي وسايب ذكرى جميلة
وإن يوم ظهرت
روحي لحد
راح تسأل على كل العيلة
ماخلاص
آن م الدنيا آواني
هبعث روجي تشوفكو
روحك خلاص
وعرفتو مكاني
أنا دلوقتني شايفكو
شايف فيكو
اللي ماشوفتوش

أقنعة زايقة
تداري وشوش
لما أنا كنت
ف يوم وسطكم
كان الفرحة
ف قلبي رتوش
بس بفكركم بحاجات
كات بتضايق قلبي ساعات
لما إيديكم تخطف قلبي
وسط الشدة
كان مين جنبي
أصرخ وأرسم
وجعي وآهة
وتقابلو صراخي بضحكات
يلا خلاص
وشطبت الماضي

رسمت روعي
حالة جديدة
إن أنا سبت هدومي لأخويا
ريحة قلبي موجودة فيها
لما تقيسها
وتطلع قدك
إبقى ارسمني
وردة عليها
لو حنيتلي
في يوم ارجوك
ابقى احضنها
واحضن قلبي
اوعى تخاف
يوم من شوكتها
لو شكتني أكيد
هتشكك

بس افتكرو القلب الطيب
اللي اداكو ياما وياما
كان البر ليكم قلبي
وعيونكم كانت دوامة
وانتي يا أمي كل الكون
كله يهون
لحظة لما تلاقي الدمعة
شوكة في عيني
تلمس إيديك
ايوة حياتي
تتلون أحزاني بفرحي
ابقي ادعيلي ويمنديلي
امسحي كل هموم الدنيا
وارسمي ع الخدين الضحكة
ارسمي ع الخدين الضحكة

راقص باليه

كانت عيون الناس عليه
من قد إيه؟! .. قول من سنة..
حتى انا معرفتش انه كان
بيرقص يوم هنا
مهجور مكانه وعنكبوت نسجت بيوت
وحيطان بتصرخ م الفضا
مستسلمة لحكم القضا
وانت اللي منزوع الحياة
تملي حاسس بالرضا
وانا كنت بسأل نفسي ايه
خلى الجميع يتحيروا ويدوروا عليك عشان
تملي المكان
وأنا كنت واحد منهم نفسي اسالك..
هو البعاد غير حياتك بعدهم..؟!
ولا الحياة لاقتها بس ف بعدهم..!؟

هي دنيا

ف وقت الشدة كان فاضي
سابو المطرح ولمو الروح
وليه الباب ميفتحشي
صدا أوجاع على فروعه
وحتى القفل يصرخ آه
وممزوج دم بدموعه
وياالي كنت فاكر شيء
ه يفضلك على الجدران
مفيش غيرها بقايا حروف
وحبر حزين بيتهد نفس مكتوم
وفين قشاية الغرقان ???
عشان يمسكها ويطبش يا إما يعوم
يقف على حافة البركان
يدور ع اللي يسمع له

يلاقي قلوب عليها ذنوب ومغلولة

يفرق بين بلاد وبلاد

ويرجع رجعتة الاولى

يدور ع اللي كان شايل

ف قلبه سنين

بيزرع فيها لقمة عيش

يشوفه عواظلي بالورقة

بي رسم بالحروف أكاذيب

فيصرخ صرخة وصداها

بيتردد على الشبابيك

بتنزع قلب كل وحيد

بيمشي جنب سور الهم

ومكسورة ضلوع الحلم

بان العشرة هتدوم ليك

وفارق الحياة مبسوط

عشان رايح وسابها لكم

ومين فينا

ومين فينا

ماحسش يوم كده ب همه
وسال دمه على القضبان
وكان نفسه يعيش إنسان
بدور ف الوشوش جايز
على نفسي ومش لاقى
بلاقي الناس تدوس فيا
ويوم ما حلمت أكون وردة
طلعلي الهم
نشف كل أوراقى

لما بصرخ

لو تروحي يا دنيا روعي
أمي بس تبقي جنبي
لما بصرخ
قولي جنبي ألاقي مين ؟
ألقي أمي
جاية حضناني حنين
لو أغيب ثانية حتى
تنادي روحها أوام عليا
تبكي لو شكتنى شوكة
أو تشوف دمع ف عينيا
لما بصرخ يامه آه
بلقى روحك طوق نجاه
بلقى نفسي جوه حضنك لسه عيل
والأمان دايمًا معاه

ادعي لغيرك

ادعي لغيرك يكثر خيرك
ويزيد حب الناس كده ليك
مايهمكش قساوة ناس قالوا
ف يومها العيبة عليك
عيش أيامك لون كل لحظة بلون
طلع همك حتي لو نفخة بالون



طالعة ع. الوشوش

شايفنها طالعة ع الوشوش
ضحكة دمعة متخافوش
أنا مش ملاك يا وحوش
أنا بس إنسان م البشر

شرح

ومن ظلم اللي حواليا
حزني بشوفه ف مراية
مشروخ كل تفاصيلها
والشرح واصل جوايا



في جرابك

عملهم سبحة ف جرابك
وليه تسيبهم علي عتابك
بتسحر بالحروف عينهم
ويدعي ربنا يعينهم
يفارقوا الصفحة ف كتابك
عملهم سبحة ف جرابك

عاشق روحك

مجنون اللي
يقول مشتاقك
إنتي أساساً روح ويايا
ده انا لو حتي ف
يوم بندهلك ينطق صوتك
آه جوايا



حالة عايشها

أنا بكتب حالة انا عايشها
وشايفها ف وشوش الناس
شيزوفرينيا أو بارانويا
مبقاش يفرق الإحساس

ألف حكاية

الدمعة تذق الدمعايا
والآهة تصرخ جوايا
١٠٠ موضوع ألف حكاية
جوايا كتاب مقطوع



قلب وروح

أنا منك وليكي الحب يتلخص
ف قلب وروح دايب عاشق
يا وردة ف قلب اتشقق علي رحي
يهون جرحي معاها بعيش يطول ليلى
ومتقوليش وقلبي أهو زمانه داب
وساب روحه فدا عينكي

سنين لفة

سنين لفة على رقبتى حبال الهم
وتكسر صرختى ضلوعي ومين يهتم
وتتلوى حروف روحي
ويكثر دمعي وجروحي
وداري الآهة جوايا
وأناي ونس روحي
ويوم فرحي بيقلب غم
سنين لفة على رقبتى حبال الهم



بحبك

هقولك بحبك بكل الحروف
هقولها بقلبي هدوس أى خوف
هحطك ف عيني وهوهب حنيني
وداخل عيونك بقلبي هطوف

أنا الغرقان

وأفراحي ماليها مكان
نسيت تسكرتي والعنوان
وراكب قطر مش ليا
وف العيشة أنا تعبان
وحاسس إن أنا مقصر
وفيا حزن متكسر
بيرسم ع الخدود أوجاع
وقلبك خاني بشماتة
ده قطع فيا يومها وباع
لاقيت الآهة مسحوبة
من قلبي وروحي تروح
وأضفر م الوجع شبكة
وأرسمك عليها شموع
مانا التايه وانا الغرقان
وأنا الناييم ف قلب دموع

دقة وجع

مترجمة حبة حاجات
متفرعة من دمي أنا
ومحزمني من هنا
شدو الحزام وقت الزحام
ملاقتش نفسي..
ملاقتش غير حبة بكا
ف كرايب قديمة
كل اللي مني
دول بعدو عني
كان نفسي الأقي
لو صورة ليهم سليمة
سابولي نار
لهيبها جوه جتتي
حتى المرض جالي

ف ضلوعي
كسر فيا ريشة أمل
أيوة ف روجي عتمة مكان
وأنا يوم ما فكرت
أفكر لمسة حنان
احتلت على روح الأنا
خنقة صدور
كانت خرابة أرض بور
ونسيت حقيقي
ف وقتها الذكريات

سواد قلبك

سواد قلبك سكن فيا
وخلاني أكون قاسي
لعبتي كثير أوي بيا
وأقرب ناسي مش ناسي
سنين بحلم أعيش مرتاح
حياتي بعيشها ويل وجراح
وحزني ليه مايبسبني ؟
أنا العايش أنا الموهوم
أنا التايه ف دوامة
ويخلص يومي وانا مظلوم
ومش لاقى لحيرتي جواب
سنين عايش آهات وعذاب
وكل حروفي ملو كتاب
وعنوانه ضنا روحي

ضاع سندي

طويت جرحي وصفحاته
قفلت الجلده ع الجلده
ودمعة م العيون شارده
بتسأل مين حزين قدى ؟
وضاع سندي
ف وسط هموم
ومشغول عنى مش داري
وقلبي من الحنان محروم
واخبي ف دمعي واداري
وحلمى ذي قطر يفوت
علي جناين مالها ورود
وبص لدمع أحزاني
ألاقي
الآهه من غير صوت

مكبرشي

وبحلم إني مكبرشي
اشيل همي على كتافي
مانا عيل بحب اللعب
وبتعب بس بلاقاني
ساكن حضانها الدافي
مانا عيل بحب اللعب
بحب الكورة والكرتون
بكايا يهون قصاد لعبة
وجوايا دموع فرحة
وحلم جميل بيسكني
مانا عيل بحب اللعب
كبرت بقيت عايش فترة
بداوى فيها اوجاعي بدون داعي
بلاقي الدنيا مش هي
خطوط سوده ومحنيه

جوايا مدينة

جوايا مدينة بشوارعها
برصيف كان واقف قلبي عليه
مستني الضحكة أما تعدي
او تندلهه وتقوله يا بيه
ملاقاش غير عربية إسعاف
لاقي نفسه مرمي ف عيادة
م الصدمة نبضه اتسمر ليه
كان نفسه يعيش لحظة سعادة
وسعادته ساعتها كات نايمة

عصفور وحيد

عصفور وحيد وسط الطيور
نفسه يرفرف زيهم
وعشان ملوش ف المعمه
كامش جناحه ف ضل سور

لدغ العقارب

الحب ده لدغ العقارب
ولا قارب للنجاة
مانا قلبي شاف حبة حاجات
خليته معمي عن الحياة

هكون آسف

وناسف حبك المشؤم
ولا هيدوم ف يوم عشقك
ودايب حبك المبروم على إيديا
يعدي اليوم وراه اليوم
وينشف دمعي ف عينيا
وحتى القلب استكفي
ويصرخ حزن وبحضن شوك
وانا فاكره جناين حضن
وفاكرك وردة تضحك لي
بترسم حلم ع الشبابيك
رسمنا القلب والحرفين
على خدود القمر شقين
خلاص الاسم بقي اسمين
وضاع عمرى
اللى عيشته انا ليك

مشاعر قلبي المفكوة

أنا شوفت إيديك ماسكى ف إيدها
حسيت قلبي اتشك بشوكة
لاء وعينيك تضحك لعينها
ومشاعر قلبي المفكوة
اتصدمت فعلا من قلبك
كات حاسة إنك هتخون
لاء وكمان جاي بتضحكي
ويتتلون ولا ١٠٠ لون
ابعد اعند أيوة براحتك
مانا قولت العشرة دي هتهون

يا روميو

- ياناحت كل تفاصيلها

وقلبك ليه يبصلها

ويتمنى تكون يوم ليه

يا روميو عايشها ع الدنيا

بقولك دنيتي فانية

ده لو فكرت طب ثانية

تلاقي الدنيا مش هي

- عايشها براحتي ودماعي

وللأحزان انا لاغي

ودنيتي بنت حلوة جميلة

ولعيونها انا بلاغي

وبضحك آه عشان انسي

يعدي اليوم وراه لسه

ف قلبي الجرح متكوم

- ده مش باين عليك الجرح

مقضيها ف ضحك وفرح
وبتفرفش مع الأيام
بانك تيجي تنسي أوام
أحن قلوب ف يوم فكراك
- وايش عرف عينيك حالي
سألتك قولت وانا مالي
وكت ف يومها قلب سعيد
رسمت الآهة ف خيالي
- فتحت كتابي يوم لعينيك
اقرالك حروف صفحة
رفضت تبص لو بإيديك
وتلمس قلبي بالعافية
وينصح فيك مابتردش
وروحي عليك بتتوغوش
خلاص يا صاحبي عيشها وحيد
هابيع الدنيا وهطنش

حدود الحزن

حدود الحزن جوايا
بتتمنى تحرك حبنا البارد
وشيشه بلاقي دخانها
يطلع مني اوجاعي
مانا مليت كثير منك
وقشاية امل مكسور تغرقني
وتحرق اي حبة حب
رويتها بدمعي يوم ليكي

أكلة ملوخية

كان نفسي ف اكلة ملوخية
وراحتها تفوح م التقلية
وأنا مش طمعان غير ف جناح
بس فراخ السوق السوداء
هتاكلها وتجيلك موة
أصل تاريخها غير متاح
يعنى الغلبان يعمل إيه ؟
حتى العيش صغروه يا بيه
كل الدنيا دي حاطة عليه
راسم حزنه ع الجدران
ولا علاج شاح م السوق
ومريض يصرخ عايز أفوق

من ساقية أمراض أنا فيها
جيبك يصرخ غصبن عنك
ما هو مخروم بينزل همك
إزاي تبقى ف يوم مرتاح
وأنا مش طمعان غير ف جناح

يشبه لعمار

عمر قلمه وملا كرسته
بكلام لو تسمعه تحترار
لأ وتشوفه تقوله يا شاعر
مع إنه يشبه لعمار
سارق ناتش من دوانين
تسمع منه تقوله يا عين
الله عليك شعرك جبار
واللي يغيظك إنك شاعر
ترسم إحساسك على ورقة
مرسومة بإحساس ومشاعر
والله مشاعرك ماهياش فارقة
لما الشعرا تحكم إنك
تقعد ع الدكة واكمنك

طبعاً رافض هذا الحال
مشواري الفني ببتلخص
ف مسلسل مع تتر لفيلم
٢٠٠٢ وش السعد بباياتي
ووه شىء للعلم
٢٠٠٣ قصابب شعر
استنى يا عم بتسرقنا
كاتب ومضاب ماكنتش قصابب
والشعرا اعبرتها قصابب
والبلبة أهى لعبت وياك
متعنا يا نجم الشباك

جوانا خوف

جوانا خوف حيرة وقلق
مبقاش خلاص فينا الأمل
موتوا أجمل وردة
كانت ع الشجر
تعزف نغم
قلبي اتوهم
إزاي أعيش ف دنيا
مرسومة بألم
عدت سنين
والقلب دايب م الشقا
انسوا بقي القلب الابيض
اللي كان مليون حنين

شوف نفسك

يا ريت تفضل
تشوف نفسك
وخليني أشوف غيرك
وتبقى زي أي تيشرت
بيتغير ف يوم ما يدوب
سنين راضي أعيش طبعك
سنين صابر على المعيوب
ده لو كان الإزاز قلبك
يا ريت روحك
تخاف م الطوب

شراع مكسور

شراع مكسور ف قلب الحي
عليه مرسوم دموع وردة
صاحبها الشمس والشارع
ودابت من كلام الناس
وقالو عليها مش هي
وهي غريبة منسية
تناجي الرب ف الموال
صحيح دنيا وماشيه شمال
وراحة البال بتبعد ليه
تقول باي باي خلاص أوكيه
ميعاد سفري خلاص أهو رن
ومين بيحن
على خدود نساها الفرحة

بنوتة

شموسة لسه ف عزها
ملفوف ضفاير قلبها
لسه الهوا عمال يميل
ويفكر إنه يزقها
واهي عايشه ف الملكوت
ويا القلوب ف سكوت
وازي بريئة تناجي حد يرحمها
يوم م الموت
حتي الهوس فكراه ه يحميها
من لدغ العيون
ده احنا ف زمن وقعت دقون
بانة حقايق
عقلي اللي كان مجنون وتايه
من صرخة واحدة فجأه فاق
على دمة الأخلاق وهي بتنتفض
وبرغم ظلم الورق برضو الولد بيقش
بنوته ف الكوتشينة

عرق المحبة

عرق المحبة انقطع

وانا اللي ساح دمي

بصرخ ومين يستمع

أغلي القلوب

أمي

الفهرست

٧٢.....	لما بصرخ.....	٣.....	الإهداء.....
٧٣.....	ادعي لغيرك.....	٤.....	التعريف بالشاعر.....
٧٣.....	طالعة ع الوشوش.....	٥.....	المقدمة.....
٧٤.....	شرح.....	٩.....	واقع مرفوض.....
٧٤.....	في جرابك.....	١١.....	خرايبش بكا.....
٧٥.....	عاشق روحك.....	١٣.....	نزيف.....
٧٥.....	حالة عايشها.....	١٥.....	ضحكة صفرا.....
٧٦.....	ألف حكاية.....	١٧.....	قلب حديد.....
٧٦.....	قلب وروح.....	١٩.....	سحر أسود.....
٧٧.....	سنين لفة.....	٢١.....	أحضان معدنية.....
٧٧.....	بحبك.....	٢٤.....	دفاتر سود.....
٧٨.....	أنا الغرقان.....	٢٦.....	حيل سري.....
٧٩.....	دقة وجع.....	٢٨.....	برادة رصاص.....
٨١.....	سواد قلبك.....	٣٠.....	مبوحشكيش.....
٨٢.....	ضاع سندي.....	٣٢.....	خيوط.....
٨٣.....	مكبرشي.....	٣٤.....	برجك إيه.....
٨٤.....	جوايا مدينة.....	٣٦.....	ألبوم صور.....
٨٥.....	عصفور وحيد.....	٤١.....	الحصار.....
٨٥.....	لدغ العقارب.....	٤٣.....	شفايف.....
٨٦.....	هكون آسف.....	٤٥.....	الليل.....
٨٧.....	مشاعر قلبي المفكوكة.....	٤٨.....	مشاعر تلج.....
٨٨.....	يا روميو.....	٥١.....	أحلام ضايعة.....
٩٠.....	حدود الحزن.....	٥٣.....	ضمير ميت.....
٩١.....	أكلة ملوخية.....	٥٥.....	شقوق الروح.....
٩٣.....	يشبه لحمار.....	٥٧.....	بورترية.....
٩٥.....	جوانا خوف.....	٥٩.....	دراكولا.....
٩٦.....	شوف نفسك.....	٦٢.....	عناقيد الدموع.....
٩٧.....	شراع مكسور.....	٦٤.....	وصية ميت.....
٩٨.....	بنوتة.....	٦٨.....	راقص باليه.....
٩٩.....	عرق المحبة.....	٦٩.....	هي دنيا.....
		٧١.....	ومين فينا.....